

Sisimiut eqqaanni imeqarfiup killeqarfilerneqarneranut immikkut ittumik maleruagassat pillugit Namminersorlutik Oqartussat nalunaarutaat normu 9 ulloq aprili 30-iat 2015-imeersoq

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi kingusinnerusukkut allannguuteqartinneqartumi § 28, imm. 3 naapertorlugu aalajangersarneqarpoq:

Siunertaq atuuffialu

§ 1. Nalunaarut Sisimiut eqqaanni imeqarfiup killeqarfiinut atuuppoq.

Imm. 2. Nalunaarutip siunertaraa Sisimiut eqqaanni imeqarfiusut mingutsinneqarsinnaanerisa killilersimaarniarneqarnissaa. Mingutsitsisoqaratarsinnaanerani killilersimaarinninniarneq taanna pissaaq, imeqarfiup killeqarfiata iluani illersuinissamut killeqarfinnik immikkut ittunik pilersitsinikkut, aamma imeqarfiup killeqarfiata iluani sulianut ukununga maleruagassiuinikkut:

- 1) Sisoraatinik arpaneq.
- 2) Qamuterallannik sisorartartunullu illiniliuutini ingerlaarneq.
- 3) Alanngorsuarmi sisorartarfimmik ingerlatsineq.
- 4) Orsussamik assartuineq, toqqortaarneq atuinerlu.

Sisimiut eqqaanni imeqarfiup killeqarfiata iluani illersuinissamut killeqarfiit immikkut ittut

§ 2. Kuunniit tatsiniillu 30 meterit iluanni tatsit, kuuit sumiiffiillu immikkut ittumik illersuivittut killeqarfiupput.

Sisimiut eqqaanni imeqarfiup killeqarfiani qamuterallannik ingerlaartarneq

§ 3. Taamaallaat sumiiffinni ukunani qamuterallannik ingerlaartoqarsinnaavoq:

- 1) Qamuterallannut illinerni 10 meterinik silissusilinni, tamatumunnga atugassatut nalunaaqutsersorneqarsimasuni.
- 2) Sungiusarnissamut immikkoortuni, tamatumunnga atugassatut nalunaaqutsersorneqarsimasuni

Imm. 2. Kommunalbestyrelsi sumiiffinni imm. 1-imi taaneqartuni ersarissumik nalunaaqutsersuissaaq. Qamuterallaat illerni sungiusarfiillu taamatut nalunaaqutsersuisoqariinngippat atorneqassanngillat.

Imm. 3. Immikkut ittumik illersuiviusunut killeqarfiit iluanni ingerlaarnissaaq sapinngisamik pinngitsoorniarneqassaaq.

Imm. 4. Qamuteralannut illiniliormi immikkut ittumik illersuiviusunut killeqarfiit aqqusaarneqartariaqarpata, kommunalbestyrelsip aqqutissaq peqqissaartumik nalunaaqutsissavaa.

Imm. 5. Tatsini sikusimasuni ingerlaarneq taamaallaat pisinnaavoq, kommunalbestyrelsip misissuereernermigut siku qajannaatsutut nalunaarutigisimappagu.

Sisimiut eqqaanni imeqarfimmut killeqarfiup iluani sisorartartunut illiniliuutiniq ingerlaartarneq

§ 4. Sisorartartunut illiniliuutiniq ingerlaarneq taamaallaat pisinnaavoq, ilanngussaq 1-imi sisoraatiniq arpattartut illinissaattut imaluunniit qamuteralaat illinissaattut nalunaarsorneqarsimasuni, kiisalu Alanngorsuarmiittumi sisorartarfimmi.

Imm. 2. Sisoraatiniq arpattartut illerni imm. 1-imi taaneqartut sisorartartunut illiniliuutit atorlugit aatsaat suliarineqarsinnaapput, kommunalbestyrelsi sisoraatiniq arpattartut illineqarfissaannik ersarissunik nalunaaqutsersuisimappat.

Imm. 3. Tatsit sikuisigut sisorartartuninik illiniliuutiniq aatsaat ingerlasoqarsinnaavoq, kommunalbestyrelsip misissuereernermini siku isumannaatsoq nalunaarutigisimappagu.

Imm. 4. Illiniliormi immikkut ittumik illersuinissamut killeqarfiit aqqusaarneqarnissaat pisariaqarpat, kommunalbestyrelsi aqqutissamut ersarissumik nalunaaqutsersuissaaq.

Imm. 5. § 3-mi aalajangersakkat apeqqutaatinnagit, sisoraatiniq ujakkaartartut illinissaat qamuteralaat atorlugit suliarineqassapput.

Alanngorsuarmi sisorartarfik

§ 5. Sisorartarfik pioreersoq massakkut atorneqarnermisut atorneqaannarsinnaavoq. Sisorartarfik makkuninnga illutaqarlunilu atortulersuuteqarpoq:

- 1) Illu ataatsimoorussaq igaffilik, kiosk/cafeteriartalik aamma imaartakkamik perusersartarfilik (Inissisimaffia N66.56.360', W053.31.972').
- 2) Majuartaatip illuarartaa/aqutsiviup illuarartaa (Inissisimaffia N66.56.342', W053.31.888').
- 3) Piffissamik nalunaarsuisartunut illuaraq nr. 1 (Inissisimaffia N66.56.330', W053.31.998').
- 4) Illuaraq aallartarfittut atorneqartartoq nuuttagaq.
- 5) Containerit pingasut, taakku ilaat ataaseq sarfaliuummik orsussamullu tankimik imaqartoq.
- 6) Majuartaat innaallagissamik ingerlatilik arfineq marlunnik napparutitalik.
- 7) Sarfaliuut dieselimik ingerlatilik.
- 8) Illuaraq nuuttagaq kiisalu illuaqqat perusersartarfinnut ilassutaasut.

Imm. 2. Iluarsaanneqarnissamik pisariaqartitsiviusut iluarsaanneqarsinnaasassapput, atortulersuutiniq allilerisoqanngippat imaluunniit iluarsaassineq ima annertutigissanngippat, nutaamik sanasoqarneranut nallersuunneqarsinnaasumik pilersitsisoqarluni.

Imm. 3. Nalornisoqartillugu iluarsaassineq nutaamik sananermut nallersuunneqarsinnaasutut annertutiginersoq Naalakkersuisut aalajangissavaat.

§ 6. Orsussamik assartuineq toqqortaateqarnerlu taamaallaat pisinnaavoq orsussamut puussat CE-mik allagartallit atorlugit.

Imm. 2. Orsussamut puussat qamutitut ikillugit qamuteralaat imaluunniit qimmit atorlugit assartorneqartussat annerpaamik 20 literinik imaqqortussuseqarsinnaatitaapput.

Imm. 3. Orsussap qamutit, qamuteralannik imaluunniit qimminik uniarneqartut atorlugit assartorneqartussap annerpaaffissaa 100 literiuvoq.

Imm. 4. Imm. 2-mi aamma 3-mi aalajangersakkat apeqqutaatinnagit, orsussamik sisorartarfimmut assartuinermit orsussamut puussat CE-mik nalunaaqutsikkat atorneqartussat annerpaamik 250 literinik imaqqortussuseqarsinnaatitaapput. Sisorartarfimmut assartuinermit ataatsimi uulianik tunisassiat annerpaamik 800 literit nassarneqarsinnaatitaapput.

Imm. 5. Alanngorsuarmi sisorartarfimmi orsussap toqqortaatigineqarsinnaasup annerpaaffissaa 1400 literiuvoq.

Nakkutilliineq

§ 7. Ingerlaarnermut illernit, sisoraatinik ujakkaarnermut illernit aamma qamuteralannik sungiusartarfiit nalunaaqutsersorneqarneri allangutsaalineqarnerisut kommunalbestyrelsip nakkutigissavaa.

Imm. 2. Ingerlaarnermut illernit, sisoraatinik ujakkaarnermut illernit aamma qamuteralannik sungiusartarfiit suliarineqarnissaat, aamma § 3 aamma § 4-mi malittarisassat naapertorlugit nalunaaqutsersorneqarnissaat Naalakkersuisut nakkutigissavaat.

Atulersitsineq aamma ikaarsaarnermut aalajangersakkat

§ 8. Nalunaartut ulloq maaji 15-iat 2015 aallarnerfigalugu atuutilerpoq.

Namminersorlutik Oqartussat, ulloq aprili 30-iat 2015

Mala Høy Kúko

/

Mette Skarregaard Pedersen